

敕修陝西通志

第十
卷

陝西通志第九十八卷

拾遺一

博古

風雅

閒適

語林

邱索義例麗土則書羣分類聚採掇靡餘天府地肺漢唐故區搜神洞冥亡是子虛可喜可愕捭闔紛拏侯鯖狐腋雜佩瓊琚廣蒐六籍恣我獵漁或資談麈或佐記珠作拾遺志第三十二

博古

陽虛山石刻二十八字係倉頡遺筆按倉頡古字刻陽虛山石室李

斯止識八字曰上帝垂命皇辟迭王其餘二十字斯不能識

商州志按陽

虛山在
維南縣

倉頡冢碑大篆書在左馮翊利陽亭南道旁

聞人牟準
衛覬碑文

漢宣帝擊盤石於上郡陷石室中得一人裸而被髮反縛械一手足以問羣臣莫能知劉向曰此貳負之臣也昔貳負殺竊窳帝梏於疏

屬之山帝問所出曰見山海經

野客叢談

苻堅太元七年新平郡獻玉器初堅即位新平人王彫上書曰新平

古顓頊之墟里名曰雞間記云此里應出帝王寶器其曰延壽寶鼎

至是新平人得之以獻

晉書苻堅載記

扶風田者見河岸土崩鑿之得一銅器狀如孟高八寸圍徑六寸乳

其體中有古文莫能辨識醫師席姓出千錢易之徧詢博古家曰

此殷之乳鑒也古文爲祖丁二字

觚牘

政和間李朝孺爲陝西轉運遣人於鳳翔府破商比干墓得銅盤徑

二尺餘中有款識二十六字

墨莊漫錄○按何比干係漢平陵人此或何墓云商者誤

毛伯敦銘皇祐中長安民得於渭上銘曰毛伯內門立中庭右祝彤

王呼內史冊命彤王曰彤昔先王既命汝作邑今惟亂商乃命錫

廣川

書史記武王克商毛叔鄭奉明水銘謂鄭者毛叔鄭也伯者爵也敦

乃武王時器

六一題跋

歐文忠曰十鼓之文可見者四百六十五字不可識者過半即韓歌所謂牧童敲火牛礪角年深豈免有闕訛者也其可曉者有曰我車既攻我馬既同者車攻語也有曰其魚維何維魴及鯉何以標之惟楊及柳則兼記田漁也凡數語可讀者蘇文忠所謂衆星錯落僅名斗者也

錄

右石鼓文周宣王之獵碣也唐自貞觀以來蘇勗李嗣真

張懷瓘竇泉竇蒙徐浩咸以爲史籀筆蹟虞世南歐陽詢褚遂良皆

有墨妙之稱杜甫八分小篆歌叙歷代書亦厠之倉頡李斯之間其

後韋應物韓愈稱述爲尤該至歐陽修作集古錄始設三疑以韋韓

之說爲無所考據後人因其疑而增廣之岐陽石古文有謂爲周宣

王獵碣者惟董程二氏以左傳成有岐陽之蒐證之皆鑿鑿有據其

畧云考之書天子大蒐會諸侯施命令非常事也史不得無書若宣

王蒐岐即周史失之列國不得並逸胡後世無聞焉則爲成王信矣

郭宗昌周岐陽石古文跋

又鼓有十因其石之自然粗有鼓形字刻於其旁石質

堅頑類今人爲碓磳者其初散在陳倉野中韓吏部爲博士時請於
祭酒欲以數橐駝輿致太學不從鄭餘慶始遷之鳳翔孔子廟五代
之亂又復散失司馬池知鳳翔復輦至於府學而亡其一皇祐四年
向傳師搜訪而足之

王厚之跋岐陽石鼓文後

張仲器嘉祐中原父在長安獲二古器於藍田形制皆同有蓋而上
下有銘詩曰張仲孝友蓋周宣王時人也

六一題跋

商雒鼎銘原父得之終南上雒其銘云惟十有四月既死霸王在下
都離公誠作樽鼎用追享丁於皇目考用氣康壽萬年無疆子子孫

孫永寶用離公不知爲何人原父謂古丁寧通用蔡君謨謂十有四

月者何原父亦不能言也

六一題跋○按十有四句月既死句

伯牙山州東百里俗呼白鴉山嘗於風起雲來時隱隱聞絲絃聲
之不得崇禎初好事者陟其巔得斷碣於敗葉中鐫伯牙二字大如
斗意牙嘗游觀至止故琴韻鏗然迄今未絕

商州志

李保季得鼎於長安耕者其銘曰集作尊鼎萬壽無疆子子孫孫永

實用康

廣川書跋

終南古敦銘蘇軾爲鳳翔府判官得古器於終南山下其形制與今
三禮圖所畫及人家所藏古敦皆不同其銘有寶尊敦之文遂以爲

敦耳

六一題跋

旅匱銘此器類觚但容受勝耳昔人得於萬年涸中

廣川書跋

劉原父既得鼎韓城遺余以其銘而太常博士楊南仲能讀古文篆
籀爲余以今文寫之而闕其疑者原父在長安所得古奇器物數十
種亦自爲先秦古器記爲余釋其銘以今文而與南仲時有不同故

並著二家所解以俟博識君子

六一題跋

太宗時長安民耕地得甌初無識者其狀下爲鼎三足上爲方甌中設銅簞可以開閣製作甚精有銘在其側學士句中正工於篆籀能

識其文曰甌也遂藏於秘閣

六一題跋

蓋銘曰叔高父作鬻簞其萬年子子孫孫永寶用原父在長安得

簞於扶風簞容四升其形外方內圓而小精之似龜有首有尾有

有甲有腹今禮家作簞亦外方內圓而其形如桶但於其蓋刻爲

六一題跋形與原父所得真古簞不同
按廣川書跋云先秦古器有鬻簞或曰以火亨鬻也考其文

鬻爲旅古有八簞陳於席謂之旅

其父鬻鬻臨江劉原父得於長安制形類敦而大其重若干其容若

之附耳爲奇獸口圍上周以回文下畫爲雲氣以禮考之鬻也

廣川書跋

公守京兆得鼎其銘曰惟正月初吉丁亥王子吳擇其吉

曰作歆爵其縻壽無疆子子孫孫永寶用之

廣川書跋

宣帝時美陽得鼎獻之中有刻書曰王命尸臣官此柎邑

尸主事之臣柎邑即

賜爾旂鸞黼黻珣戈尸臣拜手稽首曰敢對揚天子丕顯休命此

所以褒賜大臣大臣子孫刻銘其先功藏之宮廟也

冊府元龜

秦武公作羽陽宮在寶雞縣界元祐六年正月直縣門之東百步居

民權氏濬地得古簞銅瓦五皆破一獨完面徑四寸四分面隱起四

字曰羽陽千歲篆字

澠水燕談錄

詛楚文有三告巫咸文在鳳翔東坡鳳翔八觀詩嘗紀其事舊在府

廨徵歸御府述秦穆公與楚成王相好及熊相倍十八世詛盟之罪

以史記世家年表考之秦自穆公十八世至惠文王與楚懷王同時

詛為懷王也

王厚之書詛楚又後

秦昭和鐘銘震曆中葉清臣守長安所得上之大樂攻之音中大呂

銘云不顯朕皇祖奄有下國十有二公自非子至成公十有二世是

鐘爲成公作

東觀
餘論

秦始皇得藍田玉製爲璽八面正方螭紐命李斯篆文以魚鳥刻之

其文曰受天之命皇帝壽昌或曰受命于天既壽永昌

賈志

秦傳國璽

以藍田水蒼玉爲之取水德魚虫雀螭蛟龍皆水族物大畧取此義

以旌水德

書史

隋開皇二年長安人穿地得金版有銘云始皇時量器

白孔
六帖

秦度量銘二按顏氏家訓隋開皇二年之推見長安官庫中所藏秦

鐵稱權傍有鐫銘二載之家訓文同嘗遊長安買得二鈔其上刻二

銘其一銅鍔上有銘循環刻之乃前一銘也其銅方版可三四寸許

所刻乃後一銘也與家訓所載正同余意秦時茲二銘刻於器物者

一也

六
題跋

秦始皇二十一年長狄十二日於臨洮長五丈餘以爲善祥鑄金人
十二以象之各重二十四萬斤坐之宮門之前謂之金狄皆銘其胸
云皇帝二十六年初兼天下以爲郡縣正法律同度量大人來見臨
洮身長五丈足六尺李斯書也故衛恒叙篆曰秦之李斯號爲工篆
諸山及銅人銘皆斯書也漢石阿房徙之未央前俗謂之翁仲矣地
皇二年王莽夢銅人立惡之心銅人銘有皇帝初兼天下文使尚方
工鑄滅所夢銅人膺文後董卓毀其九爲錢其在者三魏明帝欲徙
之洛陽重不可勝至霸水西停之漢晉春秋或言金狄泣故留之石
虎取置鄴宮符堅又徙之長安毀其二爲錢其一未至符堅亂百姓
推置陝北河中

水經注

趙龍圖師民自耀過同說祓祠廟疑祓祠亦是一兵器其秦禱兵之

所乎

江隣幾
雜志

瓦作楚字者秦瓦也秦作六國宮室用其國號以別之

長安志

商人堦中得敦銘曰秦公作敦其制簋也

廣川書跋

咸陽志曰泰山碑秦相李斯書跡妙時古爲世所重鄭文寶模刊石

於長安故都國子學今在文廟石皆剝落唯二世詔一面稍見

學古編

漢中府治月臺東南隅有璞石如鼓而方高二尺六寸圍八尺

作四獸面有剖露痕審視之真碧玉也制似罍相傳楚漢間物

雜錄

興平古廢邱地項羽封章邯爲雍王都此萬曆四十三年土人於地

中得一金印龜紐方寸許文曰雍王章邯印

隴蜀雜錄

長安中有耕者得陶器於古墓中形如卧壘口與足出壘腹之上下

其色黝黑光潤如玉呼爲壘瓶大者容數斗小者僅容數合養花成

或云三代秦以前物

癸辛雜識

漢高帝爲之製文立碑而四皓碑目獨見於任昉文章緣起故

特表出之

天祿識餘

劉原父在長安有獲古印者其文曰周惡夫印公曰此漢侯印

也其印文曰周惡夫印公曰此漢侯印也其印文曰周惡夫印公曰此漢侯印

各遷矣

避暑錄話

政和中仕關中於同官蒲氏見漢印文云輯濯丞印文奇古非隸非

篆輯濯讀如楫濯讀如濯蓋船官也上林有船官楫濯有令丞此蓋丞

官也

嬾真子

漢郊祀志武帝甘泉作益壽延壽館太史公作益延壽觀近歲雍耀

間耕夫有得古瓦其首作益延壽三字瓦徑尺字書奇古即此觀當

時瓦也

東觀餘論

漢瓦形製古妙瓦頭皆古篆盤屈隱起其文有長樂未央長生無疆

漢並天下萬壽無疆上林儲胥等字

淳化志

漢武帝幸甘泉坂馳道有蟲蟠而覆地赤如生肝頭目悉具東方朔
曰蟲名怪哉憤氣之所生也此必秦故獄處上曰何以去之朔對曰
凡積憂者得酒而解以酒灌之當消於是取蜚置酒中須臾麋爛

東方

漢武帝鑿昆明池極深悉是灰墨以問東方朔朔曰可試問西域胡
後漢時有憶朔言者乃以灰墨問之胡人云天地大劫將盡則劫燒
此劫燒之餘

擊震決
疑要注

昭帝始元元年於藍田覆車山鑄一鼎高三尺受五斗刻其文曰宜
君王和四方調滋味去腥傷小篆書三足

古今刀
劍錄

前漢谷口銅甬劉原父在長安時得之其前銘云谷口銅甬容十斗
其下減兩字始元四年左馮翊造其後銘云谷口銅甬容十斗重四
十斤甘露元年十月計掾章平左馮翊府下減一字原父以今權量

校之容三斗重十五斤

六一題跋

宋宇文伯修藏一古鼎款識曰輦酌宮

香祖筆記

蓮勺宮博山爐下繫銘

一漢五鳳中造宣帝本紀云困於蓮勺鹵中注云縣也不云有宮蓋

秦漢離宮不可勝數史不能備載也

六一題跋

宣帝甘露元年於華山仙掌鑄一鼎高五尺受四斗擬承甘露刻其

文曰萬國伏貽長久鑄神鼎承天酒三足小篆書又建章宮銅人生

毛以爲美祥作一金鼎埋之本宮

古今刀劍錄

紹聖初先人官長安於漢高祖廟前民家得一白玉奩高尺餘遍刻

雲氣龍鳳蓋爲海中神山足爲饕餮實三代寶器

邵博聞見後錄

宣和五年余來關中與田仲方會長安因示余龍栢考其制有龍首

其旁刻飾雜有花草虫獸足分類卮其識曰互峇考之古字當讀爲

亞鎗漢制東宮給龍頭鎗則此器也其曰亞者亦非一當有序而陳

者

廣川書跋

漢西都時南宮寢殿內有醇儒王史威長墓銘曰明明哲士知存知亡崇隴原壘非寧非康不封不樹作靈乘光厥銘何依王史威長

晉張

華博物志

侯於關中王慈君求家見一古物似玉正如中指上有四字乃正月

剛卯也漢人以正月卯日作佩之與陳湯所謂強漢者同義

嬾真子

予於關中得一銅匱其背有刺文二十字曰律人衡蘭注水匱容一

斗始建國元年一月癸卯造皆小篆律人當是官名

沈括筆談

辛繕隱居華陰光武徵不至有大鳥高五尺五色備而多青栖繕槐

樹旬時不去弘農太守以聞詔問百僚太史令蔡衡對曰凡象鳳者

有五多赤色者鳳多青色者鸞多黃色者凰多紫色者鷄多白色者

此鳥多青乃鸞也上善其言

鴻書

潼關西道北行有楊震碑

通典

漢邵陽令曹全碑萬曆初邵陽舊城掘得此碑中平二年造碑文隸

書道古不減卒史韓勅等碑無一字缺壞

石墨鐫華

曹全碑修孔廟時欲

移置於至聖殿前碑屹然不可動人以爲神故仍立於外又有十三

字漢碑亦於夏陽故址掘得者蓋斷碣僅十三字耳亦八分書弗可

句讀筆畫古勁過於曹碑康熙七年署縣事郭丞得之識爲漢物砌

之曹全碑傍余訪求之不知何往僅見其墨搨云

宰革退食錄

張昶八分碑在華陰今華山所存漢碑凡四

懷瓘書斷

鄭縣城南山北有五部神廟東南向華岳廟前有碑後漢光和四年

鄭縣令河東裴畢字君先立

水經注

漢西岳華山廟碑漢魏碑例不著書刻人姓名獨此題郭香察書洪

适隸釋云東漢循王莽禁無雙名郭香察書者察蒞他人之書又唐

徐浩古迹記以爲蔡中郎書按碑文云京兆尹勅監都水掾霸陵杜遷市石遣書佐香察書但書雖道勁殊不類中郎且市石察書皆著其名而獨無中郎名不可曉

石墨
鐫華

政和初人於陝西發地得木竹簡一瓮皆漢世討羌戎馳檄文書若今吏案行遣皆草書然斷續不綴屬惟鄧隲永初二年六月一篇成

文爾

東觀
餘論

漢李翕折里橋郁閣銘在略陽相傳爲蔡邕書碑文醪散關之嘲潔徙朝陽之平慘歐陽公以爲疑楊用修謂醪古與釋通潔借作濕慘與燥同解作去濕就燥之義又碑中太守李君諱翕字伯都今版本皆作李會唯鄭樵畧曰李翕與碑合

石墨
鐫華

華山下有漢魏文帝廟廟有石闕數碑一碑是建安中立漢鎮遠將軍段熲更修祠堂碑文漢給事黃門侍郎張昺造昺自書之元帝又